

Biografía di Herman Lincoln Stephens (Dami)



Herman Lincoln Stephens a nace na hospital di Lago, dia 23 di januari 1942, pero e a biba despues na Rancho. Aya su lombrishi ta dera tambe. Despues nan a bay biba na diferente luga, pa bin ultimo na Emanstraat, patras di cas di Dun Dun Ecury, cu nan a modernisa. Despues nan a bay Dakota. E tabatin mas o menos 6 aña di edad. Ora e a casa, nos a bay biba na Hato (Noord), pa despues sali djey bay biba na Pavia te cu awor. Su nomber artistico ta Damiron of Dami. Nomber di su tata tambe ta Herman Stephens y su mama yama Charlotte Alberta Jackson. Nan ta 11 ruman. Dami ta di cuatro ruman. E tabata casa. Nomber di su casa ta Cecilia Benita Baarh, famia di Paesch. E ta naci dia 3 April, 1943. Dami a casa na aña 1969. E tin 3 yiu, 2 yiu homber y 1 yiu muhe. E prome yiu ta Ludwig Angelo. E otro yama Elbert Giovanni y e yiu muhe chikito yama Dianne Sharisa. Fecha di nacemento di su yiunan ta: Angelo 21 di augustus 1970 Esun di dos ta dia 5 di juli 1973. Anto su yiu muhe ta haci aña dia 12 di october 1977. Den famia tin mas musico. E tin su ruman muhe grandi Norma, e ta toca den misa. E tin como 8 composicion di misa na Papiamento. E tin yen di composicion di cantica di mucha skirbi. Su ruman Madonna tambe a siña piano, despues na Hulanda el a siña toca guitarra. Anto Joan cu ta esun mas chikito, a bay scol di musica tambe y a termin'e cu exito.

Segun Herman e Bida Artistico ta Algo Social

Bon, e ta algo ameno, e ta algo social. Bo ta conoce hopi hende, bo ta conoce hopi musico di diferente parti y un gran cantidad di banda musical. Bo ta siña hopi, si bo kier siña. Dami nunca a bay demasiado profundo den tur loke ta rondona e mundo farandulero. E a percura pa laga nada influencia mi vida.



Herman ta e prome banda drechi
Banda: Sound & Harmony

E Bida Artistico Musical

Tur loke e frère ta bisa bo e tempo ey, ta cu e tres klep ariba ta sol.

Segun Herman na cas e a cuminsa toca cu 7 aña. Su mama a cuminsa siñe. E tabata duna diferente les. Su ruman homber a siñ'e toca piano. E ruman ey tabata guitarista y pianista. Nan tabata uza e tempo ey un buki cu yama Hemmy's. E tabata un metodo Mericano. Despues cu 9 aña di edad e a drenta "De Trupialen", anto e a bin haya les di saxofon. E tempo ey, Toti Arends tabata duna les y dirigi e parti musical. E ora e a laga e piano para un banda. El a cuminsa cu e saxofon alt. Tur loke e frère ta bisa bo e tempo ey, ta cu e tres klep ariba ta sol.

Cla! Bo ta toc'e, lor'e y despues di un 6/7 luna ya caba e tabata tin un banda di merengue, ta lora merengue. No tabata tin bahista. Ta cu marimba nan a toca. Anto bo ta haya un gay Eddie Simon, kende a bira bahista e tempo ey. E cu su sonfonia di man, nan ta basha piesa na e 'carpenter shop' di Pantin Guerero. Anto djey pa prome biaha e a toca den carnaval, den parada cu Pantin mes riba un 'flatbom'. Despues e a dicidi cu ta miho e bay pa piano. Na cas nan tabatin un grupo chikito cu nan a lanta. Pasobra su Tata de facto no tabata kier pa e sali toca mes.

E tempo aya, scol ta prome cu tur cos. Na cas Herman ta train riba piano cu un par di gay; nan a toca nan cosnan, asina e a keda mehora e tocamento. Nan a lanta un conhunto, tempo nan tabatin 17 pa 18 aña. Despues di esey, conhunto a caba, algun otro tocado a bay Hulanda. Segun e, e ora ey nan a cuminsa cu "Oruba Sextet". Tresaña e a keda den De Trupialen. Despues nan a lanta "Los Principes" pa un temporada basta largo. Djey e a bin cu Aruban Sextet aki, nan a bay den serio.



**Cla! Bo ta toc'e,
lor'e y despues
di un 6/7 luna
ya caba e tabata
tin un banda di
merengue,**

**Herman
tabata scucha
orquesta di
Harry James.
Esey ta duna
bo
eartraining,
conocemento
harmonico.**

Desaroyo Musical y mas Activo

Bo sa, Herman ta gusta piano y e tabatin basta talento p'e y ta p'esey el a sigui cune. E a toca tur tipo, tur calidad di musica. E ta gusta, bo sa e n' ta gaña bo, e ritmo di salsa e ta gusta hopi y e ta gusta bossanova tambe. Aunke e a stop cu eseynan, ya cu bo mester di un grupo bon pa toc'e tambe. Den musica di jazz, esunnan cu Herman tabata scucha,

hopi tabata manera di Errol Garner, Duke Ellington y e tabata scucha orkesta di Harry James. Esey ta duna bo eartraining, conocemento harmonico. Esun mas activo bo por bisa tabata "**Sound and Harmony**". Eyden e tabatin keyboard completo. Bo tin bo vleugel, bo tin bo synthesizer DX7.

E Parti Internacional

Casi por bisa cu nan tabata biba na Corsou, cada dos siman nan tabata na Corsou, Boneiro, Venezuela y Paraguana. Nana bay Colombia pa haci grabacion. Nan a haya nanta toca cu Apollo Star, cu Maya y tambe na Miami den e famoso Calle Ocho.

Experiencia Musical

Un temporada cu tabata dushi tambe tabata ora tabatin songfestival. Pasobra bo ta pasa den hopi cos. Bo ta wak nerviosidad di hende. Bo sa, e ta un experiencia. Tin hende ta canta, ta cab'i canta y nan ta dal nan yoramento. Bo sa, e ora nan ta saca nan emocion. E cosnan ey ta experiencia, bo ta bisa, asina cos ta den bida aki.



Herman ta e prome banda robes

The Latin Power

Sugerencia

Herman ta bisa bo por ta e artista mas grandi di mundo cu un bon preparacion.

Musica ta un cos cu bo mester tuma na serio. Bo no mester bay haci musica, anto laga scol para un banda. Scol ta esun prome. Bo estudio, cu esey bo ta bay dilanti. Esey ta bo futuro. Awor si bo kier studia musica, bo kier tum'e como profesion, bo tin di tum'e na serio, pasobra di tur manera, bo tin di caba un scol

promé! Bo mester di un base, bo ta comprende? Anto ora bo bay studia musica, busca erfeccion den algo, sea ta jazz, musica clasico, loke sea, anto for di esey bo ta wak kico ta e beneficio cu bo por saca . Musica por ta un cos asina ingrato tambe. Pakico Herman ta bisa asina, pasobra bo por ta e artista mas grandi di mundo cu un bon

preparacion. Pueblo ta hisa bo, mañan pueblo ta laga bo cay! Bo sa, esey ta e ingratitud cu tin den un carera musical. E por pasa cu nos tur, hopi di nos a pasa aden. Bo ta wak e, e ta pasa cu otro hende tambe. E ta un realidad! Laga nos no gaña nos mes! Sinembargo, musica en general y toca bon musica ta keda un cos hopi bunita.